



## PENDUDUK GEMBIRA AIR PULIH SEMULA

**KUALA LUMPUR, Jumaat**—Setelah tiga hari hidup tanpa bekalan air penduduk di Perumahan Berkelompok, Taman Ikan Emas, Cheras 'bergembira' menerima bekalan tersebut semula tepat jam 5 petang ini.

Kira-kira 600 keluarga yang tinggal di projek perumahan itu terpaksa meminta dan menumpang mandi di rumah-rumah pangsang berdekatan akibat saluran utama di situ pecah.

Menurut Jurulatih Jabatan Penjara, Encik Tan Kee Seng, 34, penduduk di situ terpaksa mengambil dan menumpang menggunakan air di rumah sahabat-sahabat karib saja.

"Dalam saat-saat genting dan kering begini beberapa buah rumah pangsang di sini mengun-tilkan paip utama mereka," ujar Encik Tan yang tinggal di situ sejak 978.

Tambahnya, dia sendiri telah mengadu pada Lembaga Air Wilayah Persekutuan lebih 20 kali sejak dua hari lalu.

"Tindakan segera tidak diambil dan ini menyusahkan penduduk yang semuanya telah

berkeluarga dan beranak," ujarnya.

Selain itu, katanya, saluran-saluran air dari rumah ke rumah sering pecah dan air mengalir tidak berhenti-henti.

"Tindakan tidak pernah diambil dan ini kadang-kadang menyebabkan bekalan air di sini terputus dua hingga tiga kali sebulan," ujar Encik Tan.

## MANGSA KEBAKARAN TERIMA BANTUAN

● **MENTERI** Kebajikan Am, Datin Paduka Hajah Aishah Ghani menyampaikan bantuan kepada Encik Muniandy, salah seorang mangsa kebakaran di Sungai Besi, Kuala Lumpur Kelmarin.

Antara penerima bantuan itu ialah Puan You Ai, yang

kehilangan dua orang cucu, seorang menantu dan seorang anak.

Encik Muniandy dan dua orang lagi mangsa menerima bantuan \$240 sementara Puan You Ai menerima \$800 sebagai bantuan upacara pengebumian 'orang-orang yang dikasihinya'. — Gambar Berita Harian.

Bahan asal dari Arkib  
Negara Malaysia